

名醫類案

五卷

癥瘕

勞瘵

03207
便濁便數

寒中

熱氣病

積塊

汗症

遺精

惡寒

虛損

不汗

麻木

惡熱

名醫類案卷第五

新都篁南江瓘集後學

仁和余錢塘魏之琇玉橫
仁和沈鮑廷博以文

重校

癥瘕

齊中尉潘滿如病少腹痛臣意診其脉曰遺積瘕也臣意即

謂齊太僕臣饒丙史臣繇曰中尉不復自止於內則三十

日死後二十餘日溲血死病得之酒且內所以知潘滿如

病者臣意切其脉深小弱其卒然合合也是脾氣也右脉

口氣至緊小見瘕氣也以次相乘故三十日死三陰俱搏

者如法不俱搏者決在急期一搏一代者近也故其三陰

搏澀血如前止

史記

臨菑女子薄吾病甚衆醫皆以爲寒熱篤當死不治臣意診其脉曰螻癭螻癭爲病腹大上膚黃粗循之戚戚然臣意飲以芫花一撮卽出螻可數升病已三十日如故病螻得之於寒溼寒溼氣宛篤不發化爲蟲臣意所以知薄吾病者切其脉循其尺其尺索刺粗而毛美奉髮是蟲氣也其色澤者中藏無邪氣及重病

史記

搏按此案重見諸蟲門

隋有患者嘗飢而吞食則下至胸便卽吐出醫作噎疾膈氣翻胃三候治之無驗有老醫任慶視之曰非三疾蓋曰食

蛇肉不消而致。但揣心腹上有蛇形也。病者曰：素有犬風。常求蛇肉食。風稍愈。復患此疾矣。遂以芒硝、大黃合而治之。微泄利則愈。乃知蛇瘕也。各醫錄

乾德中江浙間有慎道恭。肌瘦如勞。唯好食米。闕之則口中清水出。情似憂思。食米頓便如常。眾醫莫辨。後遇蜀僧道廣。以雞屎及白米各半合。共炒爲末。以水一盞調頓服。良久病者吐出蟲無數。蟲即病原。謂米瘕是也。

徐文伯善醫術。宋明帝宮人患腰痛。牽心發。則氣絕。眾醫以爲肉瘕。文伯視之曰：此髮瘕也。以油灌之。卽吐物如髮。稍引之。長三尺。頭已成蛇。能動。懸枉上水。漑盡。唯餘一髮而

已遂愈。

唐書曰、甄權弟立言、善醫、時有尼明律、年六十餘、患心腹膨脹、身體羸瘦、已經二年、立言診其脉、曰、腹內有蟲、當是誤食髮爲之耳、因令服雄黃須臾、吐一蛇如小手指、唯無眼、撓之、猶有髮氣、其疾乃愈。

太平御覽

異苑曰、章安有人、元嘉中、噉鴨肉、乃成瘕病、胸滿面赤、不得飲食、醫令服秫米、須臾煩悶、吐一鴨雛、身喙翅皆已成就、唯左脚故綴、昔所食肉、遂瘥。

太平御覽

志怪曰、有人得瘕病、腹晝夜切痛、臨終、敕其子曰、吾氣絕後、可剖視之、其子不忍、違言剖之、得一銅酒鎗、容數合、許華

佗聞其病而解之。便出巾櫛中藥以投。卽消成酒焉。博按
事涉怪誕不足徵信世安有剖
父腹以驗病之理此案可刪

景陳弟長子拱年七歲時脇間忽生腫毒隱隱見皮裏一物。
頗肖鼈形微覺動轉其掣痛不堪德興古城村外有老醫
見之使買鮮蝦爲羹以食咸疑以爲瘡毒所忌之味醫竟
令食之下腹未久痛卽止喜曰此真鼈瘕也吾求其所好
以嘗試之爾乃製一藥如療脾胃者而碾附子末二錢投
之數服而消明年病復作但如前補治遂絕根。類編
昔有人共奴俱患鼈瘕奴前死遂破其腹得白鼈仍故活有
人乘白馬來看鼈白馬遂尿隨落鼈上卽縮頭尋以馬尿

灌之卽化爲水其主曰吾將瘥矣卽服之遂愈

續搜神記

昔人患癰瘰死遺言令開腹取之得病塊乾硬如石文理有五色人謂異物竊取削成刀柄後因以刀刈三稜柄消成水乃知此藥可療癰瘰也

本草

一人患蛇瘰常飢食之卽吐乃蛇精及液沾菜上人悞食之腹內成蛇或食蛇亦有此症用赤頭蜈蚣一條炙爲末分二服酒下

一人患鼈瘰痛有來止或食鼈卽痛用雞屎一升炒黃投酒中浸一宿焙爲末原浸酒調下

一人好飲油每飲四五升方快意乃悞吞髮入胃血裏化爲

蟲也。用雄黃五錢水調服。

石藏用蜀人良醫也。名盛著。一士人嘗因承簷溜盥手。覺爲物觸入指爪中。初若絲髮然。旣數日稍長如線。伸縮不能如常。始悟其爲龍伏藏也。乃扣治療之方於石。石曰。此方書所不載也。當以意去之。歸可末蜣螂塗指。庶不深入胸膜。冀他日免震厄之患。士人如其言。後因迅雷見火光逼身。士人懼急以鍼穴指。果見一物自鍼穴躍出。不能災。桓宣武有一督將。因時行病後。虛熱便能飲。複茗必一斛。二斗乃飽。裁減升合。便以爲大。不足。後有客造之。更進五升。乃大吐一物出。如升大有口形。質縮皺。狀似牛肚。客乃令

置之盆中。以斛二斗複茗澆之。此物斃之。都盡而止。覺小
脹。又增五升。便悉渾然。從口中湧出。既吐此物。遂瘥。或問
之。此何病。荅曰。此病名斛茗瘥。續搜神記

齊諧記云。江夏安陸縣隆安中。有人姓郭名坦。得天行病後。
遂大善食。一日消斗米。家貧不能給。行乞於市。一日大飢。
不可忍。人家後門有三畦薤。因竊啗之。盡兩畦。便大悶極。
臥地須臾大吐。吐一物如龍。因出地漸小。主人持飯出食
之。不復食。因撮飯著所吐物之上。卽消而成水。此病尋瘥。

東坡物類相感志

永徽中。崔爽者。每食生魚三斗乃足。一日飢作鱸未成。忍飢

不禁。遂吐一物如蝦蟇。自此不復能食鱸矣。宣室志

有黃門奉使交廣。回。周顧謂曰。此人腹中有蛟龍。上驚問黃門曰。卿有疾否。曰。臣馳馬大庾嶺時。大熱困且渴。遂飲水。覺腹中堅痞如石。周以硝石及雄黃煮服之。立吐一物。長數寸。大如指。鱗甲具。投之水中。俄頃長數尺。復以苦酒沃之。如故。以器覆之。明日已生一龍矣。上甚驚訝。明皇雜錄

褚澄治李道念有冷疾。元本五年衆醫不瘥。澄爲診脉。謂曰。

元本
誤痰

汝病非冷非熱。當是食白瀹雞子過多所致。令取蒜一升煮服之。始一服吐一物如升。涎裹之。動開看是雞雛。羽翅爪距具足。能行走。澄曰。此未盡。更服所餘藥。又吐得如向

者有十三頭而病都瘥。南史

證治要訣云、一人病癰瘕腹脹。純用三稜莪朮以酒煨服下。一物如黑魚狀而愈。或加入香附子。用水煎多服取效。一人自幼好酒。片時無酒。叫呼不絕。全不進食。日漸羸瘦。或執其手縛柱上。將酒與看而不與飲。卽吐一物如猪肝入酒內。其人自此遂惡酒。

潘璟字溫叟。名醫也。虞部員外郎張咸之妻。孕五歲。南陵尉富昌齡妻。孕二歲。團練使劉彝孫妾。孕十有四月。皆未育。溫叟視之曰疾也。凡醫妄以爲有孕。爾於是作劑飲之。虞部妻墮肉塊百餘。有眉目狀。昌齡妻夢二童子。色漆黑。倉

卒怖悸疾去。舜孫妾墮大蛇。猶蜿蜒不死。三婦皆無恙。

夷堅

志○琇按此案重見第十一卷娠症門

鎮陽有士人嗜酒。日嘗數斗。至午夜飲興一發。則不可遏。一夕大醉。嘔出一物。如舌。視無痕竅。至欲飲時。眼徧其上。盡然而起。家人沃之以酒。立盡。至常日所飲之數而止。遂投之猛火。急爆裂爲十數片。士人由是惡酒。

汾州王氏得病。右脇有聲如蝦蟆。常欲手按之。不則有聲。聲相接。羣醫莫能辨。詣雷陽山人趙巒診之。趙曰。此因驚氣入於臟腑。不治而成疾。故常作聲。王氏曰。因邊水行次。有大蝦蟆躍高數尺。驀作一聲。忽驚叫。便覺右脇牽痛。自後

作聲尚似蝦蟆也。久未瘥。繼乃診王氏脉。右關脉伏結。積病也。故正作積病治。用六神丹。泄下青涎。類蝦蟆之衣。遂瘥。名醫錄。

昔有患者。飲食如故。發則如癲。面色青黃。小腹脹滿。狀如妊孕。醫診其脉。與証皆異。而難明主療。忽有一山叟曰。聞開皇六年。灞橋有患此病。蓋因三月八日。邊水食芹菜得之。有識者曰。此蛟龍病也。爲龍游於芹菜之上。不幸食之。而病也。遂以寒食餠。每劑五合。服之數劑。吐出一物。形雖小而狀似蛟龍。且有兩頭。獲愈。句容縣佐史能啖鱸至數十觔。恒食不飽。縣令聞其善啖。乃

出百觔。史快食至盡。因覺氣悶。久之吐一物。狀如麻鞋底。令命洗出。安鱸所。鱸悉成水。醫莫能名之。令小吏持往楊州賣之。冀有識者。誠之若有買者。但高舉其價。看至幾錢。有胡求買。增價至三百貫文。胡輒還之。初無酬酢。人謂胡曰。是句容縣令家物。問此是何物。胡云。是銷魚之精。亦能銷腹中塊。病人患者。以一片如指端。繩繫之。置病所。其塊卽銷。我本國太子少患此病。王求愈。病者賞之千金。君若見賣。當獲大利。令竟賣半與之。

廣異記

和州劉錄事者。大歷中罷官。居和州旁縣。食兼數人。尤能食鱸。嘗言鱸味未嘗果腹。邑客乃網魚百餘觔。會於野庭。觀

其下筋。劉初食鱸數碟。忽似小哽。因設出一骨珠子。大如豆。乃寘於茶甌中。以碟覆之。食未半。怪覆甌碟傾側。舉視之。向骨珠子已長數寸。如人狀。座客共觀之。隨視而長。頃刻長及人。遂摔劉。因相毆流血。良久各散。走一循廳之西。一轉廳之左。俱及後門。相觸。翁成一人。乃劉也。神已癡矣。半日方能語。訪其所以。皆不省之。劉自是惡鱸。西陽雜俎

戴人治王宰妻病。胸膈不利。用痰藥一湧。而出雪白蟲一條。長五六寸。有口鼻牙齒。走於涎中。病者忿而斷之。中有白髮一莖。按永徽中。破一物。其狀如魚。卽所謂生痕也。

嘉靖中。長洲鄒表妻患小腹下。左生一塊。形如梅李。久之吐

出始則腐潰若米糲之狀中則若蜆肉之狀以指撚開則有長髮數條在其內名醫竟不能治遂至不起矣蛇髮等痕往往載於方書或偶因食物相感假血而成理或有之不可指爲妄誕也

山東民間婦人一臂有物隱然膚中屈佶如蛟龍狀婦喜以臂浸盆中一日雷電交作自牖出臂果一龍擘雲而去霏雪錄

積塊

羅謙甫治真定王用之年二十九歲病積臍左連脇如覆杯

腹脹如鼓。多青絡脉。喘不能臥。時值暑雨。加之自利。完穀不化。晡潮熱。夜有盜汗。以危急求治。羅視之。脉得浮數。按之無力。謂病家曰。凡治積。非有毒之劑攻之。則不可。今脉虛弱如此。豈敢以常法治之。遂投分滲益胃之劑。數服而清便自調。繼以升降陰陽。進食和氣。而腹大減。胃氣稍平。間以削之。月餘良愈。先師嘗曰。潔古有云。養正。積自除。譬之滿座。皆君子。縱有小人。自無所容。今令真氣實。胃氣強。積自除矣。潔古之言。豈欺我哉。內經云。大積大聚。衰其大半而止。滿實中有積氣。大毒之劑。尚不可過。況虛中有積者乎。此亦治積之一端也。邪正虛實。宜精審焉。